

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

4. Concitatores factionum.

[urn:nbn:de:hbz:466:1-68709](#)

bus argutè Philosophus Cynicus, ex quo cùm nonnemo aulicæ , liberæ-
que vitæ ac linguae homo rogaret , que bellua morderet maxime ? ille
responcionem retorsit in quærentem : ex feris , inquit , obtreftator , ex mi-
tibus adulator , Laërt.

III. (c) Præterea refertur hæc fabula ad hominum ingratorum
mores repræsentandos , qui omni beneficiorum memoriâ ex animis de-
letâ leviter impelli possunt , ut vel nutricios & eximios benefactores
suos convitijs , noxis atque maleficijs mordicus appetant , non dissimi-
les Actæonis canibus , qui in herum suum invaserunt. Impium sanè
genus hominum , qui pro bonis reddunt mala ; cùm legamus & leones
& dracones altoribus suis gratiam officij retulisse. Ciceronis dictum est :
Nihil est tam inhumanum , tam immane , tam ferum , quām commit-
tere , ut beneficio , non dicam , indignus , sed victus esse videare. Jux-
ta Senecam ingratus est , qui beneficium accepisse se negat , quod acce-
pit : ingratus , qui dissimulat : ingratus , qui non reddit : ingratus , qui
oblitus est : ingratissimus & teterimus , qui beneficijs maleficia rependit.
Huc convenit lemma : *Quos pavit , pavet.*

IV. (d) Illos quoque notat hoc Actæonis schema , qui in Repub-
lica sibi per factiones potentiam quærunt , stipati seditionorum civium ,
latronum & gladiatorum manu , quos illi cœu globos prædatorios , ut
Actæon canes , longo post se trahunt agmine , quibus salutem & inco-
lumentatem suam propœ solis credunt ; quos tectō , familiâ , mensâ reci-
piunt , secretorum & consiliorum suorum participes , à quibus flante ad-
versæ fortunæ vento , tandem turpiter produntur , vel etiam jugulantur .
De his Alciatus emblem . 25.

Latronum , furūmque manus tibi , Scæva , per urbem
It comes , & diris cincta cohors gladijs .
Atque ita te mentis generosum , prodige , censes ,
Quos tua complures allicit olla malos .
En novus Actæon , qui postquam cornua sumpsit ,
In prædam canibus se dedit ipse suis .

V. (e) Curiositatem insuper , præfertim oculorum , Actæonis pœ-
na dedocet ; qui quòd incautior aspicerit sine veste Dianam , mox ena-
tis cornibus in cervum , timidum & effeminatum animal abiit . Contin-
git hoc ijs , qui lascivis oculis permittunt frenos . Quod de naphta ,
sulphureo bitumine Plinius scribit , ei magnam esse cognitionem ignium ,
qui protinus in ipsam undeque visam transilient ; hoc quoque de ar-
dentibus

(c) *Ingratus animus.* (d) *Concitatores factionum.* (e) *Curiositas oculorum.*